

Sarajevo,  
Broj:

01-11-3-56159  
01-12-2021

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-11-3-55552 od 29.11.2021. godine, Generalna direktorica donosi:

### ODLUKU

o izboru najpovoljnijeg ponuđača za  
„Nabavku regulatora i boca za O<sub>2</sub> – redovno održavanje prema potrebama više OJ KCUS-a“

**Prihvata se prijedlog Komisije** za „Nabavku regulatora i boca za O<sub>2</sub> – redovno održavanje prema potrebama više OJ KCUS-a“, po Izvještaju br. 10-11-3-55552 od 29.11.2021. godine, nakon provedenog konkurentskog zahtjeva javne nabavke, objavljenog na portalu e-nabavke dana 08.11.2021. godine pod brojem obavještenja 893-7-1-718-3-536/21 i okvirni sporazum na period od 12 mjeseci dodjeljuje najpovoljnijem ponuđaču:

#### DERBY TRADE d.o.o. Brčko

„Nabavka regulatora i boca za O<sub>2</sub> – redovno održavanje prema potrebama više OJ KCUS-a“ a prema jediničnim cijenama nakon e-aukcije koje će biti sastavni dio okvirnog sporazuma

Red.br.	OPIS ROBA	Jed.mj./ količina	Jed.cij. bez PDV-a	Ukupna cijena bez PDV-a
1.	REGULATOR PRITISKA za bocu kisika- komplet	125 kompleta	243,99 KM	30.498,75 KM
2.	BOCA ZA MEDICINSKE GASOVE Boca za O <sub>2</sub> - Boca od 10 litara ili 11 litara	10 kom	230,125 KM	2.301,25 KM

**Vrijednost ugovora: 32.800,00 KM bez PDV-a + PDV 5.576,00 KM = 38.376,00 KM sa PDV-om**

- Uslovi plaćanja: u roku od 60 dana od dana isporuke robe i ispostavljanja računa
- Rok isporuke: 20 dana po prijemu narudžbenice
- Isporuka je sukcesivna prema stvarnim potrebama u toku 12 mjeseci

### II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 2.2. Tenderske dokumentacije, ukoliko istu nisu dostavili uz ponudu, u skladu sa dostavljenom Izjavom ponuđača, a ne starijih od 3 mjeseca računajući od momenta predaje ponude.

### III

Ova Odluka stupa na snagu danom donošenja i bit će objavljena na web stranici KCUS-a, kao i dostavljena ponuđačima učesnicima postupka javne nabavke.

### O B R A Z L O Ž E N J E

U skladu sa Odlukom Generalne direktorice KCUS-a broj: 58-04-4-53919 od 17.11.2021.godine, pokrenut je postupak javne nabavke za „Nabavku regulatora i boca za O<sub>2</sub> – redovno održavanje prema potrebama više OJ KCUS-a“. Procijenjena vrijednost nabavke je 49.990,00 KM bez PDV-a. Predviđeno je zaključivanje okvirnog sporazuma za period od 12 mjeseci sa jednim dobavljačem i sukcesivna isporuka prema potrebama više OJ KCUS-a. Nabavka je planirana Planom javnih nabavki za 2021.godinu pod klasifikacijom „robe“ redni br. 23 (Odluka o usvajanju Plana javnih nabavki Kliničkog centra Univerziteta u Sarajevu za 2021 godinu, broj: 31/21 protokol br. 65-04-2-43388/21). Uslovi plaćanja predviđeni za postupak nabavke su: u roku 60 dana od dana

isporuke i ispostavljanja računa (na osnovu Dopisa Sektora za računovodstvo, plan i analizu br.56-11-3-2265 od 14.01.2021.godine).

Klinički centar Univerziteta u Sarajevu je na portalu e-nabavke dana 08.11.2021. godine objavio Obavještenje o nabavci broj: 893-7-1-718-3-536/21, zajedno sa Tenderskom dokumentacijom.

Na osnovu poziva objavljenog na portalu e-nabavke tendersku dokumentaciju za postupak javne nabavke preuzelo je 11 (jedanaest) potencijalnih ponuđača, a do krajnjeg roka određenog za prijem ponuda, dana 23.11.2021.godine do 11 h i 30 minuta, dostavljene su 3 (tri) ponude ponuđača:

PODACI IZ PONUDE	1.	2.	3.
Naziv ponuđača	<b>DERBY TRADE d.o.o. Brčko</b>	<b>INEL BH d.o.o. Maglaj</b>	<b>MESSER TEHNOPLIN d.o.o. Sarajevo</b>
Broj i datum ponude	10-11-3-54196 19.11.2021. u 08:22 h	10-11-3-54199 19.11.2021. u 08:25 h	10-11-3-54791 23.11.2021. u 10 h
Cijena ponude bez PDV-a	49.000,00 KM	48.250,00 KM	48.000,00 KM

Komisija imenovana Odlukom broj: 58-04-4-53919 od 17.11.2021.godine je izvršila uvid i provjeru svakog dostavljenog dokumenta (Zapisnik o pregledu i ocjeni ponuda br. 10-04-6-55176 od 24.11.2021. godine) i konstatovala slijedeće:

- 1. Ponuda ponuđača DERBY TRADE d.o.o. Brčko** je dostavljena u skladu sa zahtjevima tenderske dokumentacije, formalno pravno i tehnički je **prihvatljiva i učestvuje u daljem toku postupka nabavke.**
- 2. Ponuda ponuđača INEL BH d.o.o. Maglaj** ne ispunjava formalno pravne uslove, jer nije dostavljen dokaz tražen tačkom 2.1. i) – Rješenje o odobrenju stavljanja medicinskog sredstva u promet izdato od Agencije za lijekove i medicinska sredstva BiH (ili nadžnih entitetskih tijela) za stavku 1 Tehničke specifikacije pa je iz tog razloga **ponuda ponuđača INEL BH d.o.o. Maglaj neprihvatljiva i ne učestvuje u daljem toku postupka nabavke.**
- 3. Ponuda ponuđača MESSER TEHNOPLIN d.o.o. Sarajevo** je dostavljena u skladu sa zahtjevima tenderske dokumentacije, formalno pravno i tehnički je **prihvatljiva i učestvuje u daljem toku postupka nabavke.**

Na osnovu analize ponuda Komisija je konstatovala da 2 (dvije) ponude zadovoljavaju tenderske zahtjeve u pravnom, ekonomskom i tehničkom smislu. Obzirom da je za postupak nabavke predviđeno provođenje e-aukcije, Komisija je predložila da se za postupak nabavke zakaže e-aukcija prema ponuđenim cijenama:

Red.br.	NAZIV PONUĐAČA	Ponuđena cijena bez PDV-a
1.	<b>DERBY TRADE d.o.o. Brčko</b>	49.000,00 KM
2.	<b>MESSER TEHNOPLIN d.o.o. Sarajevo</b>	48.000,00 KM

E-aukcija je zakazana za 26.11.2021.godine u 11,00 sati i 30 min i provedena putem portala [www.ejn.gov.ba](http://www.ejn.gov.ba) i to u skladu sa Pravilnikom o uslovima i načinu korištenja e-aukcije (Službeni glasnik BiH 66/16).

U prilogu Izvještaja komisije br. 10-11-3-55552 od 29.11.2021. godine je Izvještaj o toku i završetku e- aukcije.

Tabelarni pregled ponuda nakon e-aukcije:

PODACI IZ PONUDE	1.	2.	3.
Naziv ponuđača	Cijena ponuda prije e-aukcije	Cijena ponuda nakon e-aukcije	Umanjenje cijene
<b>DERBY TRADE d.o.o. Brčko</b>	49.000,00 KM	<b>32.800,00 KM</b>	<b>33,06%</b>
<b>MESSER TEHNOPLIN d.o.o. Sarajevo</b>	48.000,00 KM	32.900,00 KM	31,46%

Uzimajući u obzir naprijed navedno, a nakon provedene e-aukcije, Komisija Izvještajem br. 10-11-3-55552 od 29.11.2021. godine predlaže da se Okvirni sporazum za „Nabavku regulatora i boca za O<sub>2</sub> – redovno održavanje prema potrebama više OJ KCUS-a“ dodijeli ponuđaču **DERBY TRADE d.o.o. Brčko** u iznosu od **32.800,00** bez PDV-a na period od 12 mjeseci sa ponuđenim jedničnim cijenama robe usklađenim nakon provedene e-aukcije.

Prijedlog Komisije je prihvaćen i donosi se odluka kao u dispozitivu.



**GENERALNA DIREKTORICA**  
**Prof.dr. Sebiha Izetbegović**

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđaču;
- Tehnički sektor
- a/a KCUS